

4020

Համագործ ծառայություն
և Եղեմիս

281.6
G-23

1917

2010

2001

281.6
-23

ՈՁ ՊԱՇՏՈՆԱԿԱՆ ՀՐԱՏԱՐԱԿՈՒԹԻՒՆ

Ն Ա Խ Ա Գ Ի Ծ

ՄԱՅՐ ԱԹՈՌ Ս. ԷԶՄԻԱԾՆԻ

ՄԻԱԲԱՆԱԿԱՆ

ԿԱՆՈՆԱԴՐՈՒԹԵԱՆ



281.6
-23

Էլեբարաշարժ Տպարան Մայր Սթոույ

1917

Ն Ա Խ Ա Գ Ի Ծ

Մ. ԱԹՈՌ Ս. ԷԶՄԻԱԺՆԻ

ՄԻԱԲԱՆԱԿԱՆ

ԿԱՆՈՆԱԴՐՈՒԹԵԱՆ



Ա.

ՀԻՄՆԱԿԱՆ ԿԱՆՈՆՆԵՐ.

§ 1. Մայր Աթոռ Ս. Էջմիածինը է համայն հայութեան կենտրոնը և բոլոր հայ վանքերի Մայրավանքը

§ 2. Ս. Էջմիածինն է Ամենայն Հայոց Հայրապետի Աթոռը:

§ 3. Ս. Էջմիածնի վանքն ունի իւր միաբանութիւնը, որի վանահայրն է Ամենայն Հայոց Կաթողիկոսը:

§ 4. Ս. Էջմիածնի միաբանութիւնը ցկեանս կուսակրօն միացողների հոգեւոր ուխտ է:

§ 5. Ս. Էջմիածնի միաբանութիւնը ունի իւր առանձին կանոնադրութիւնը, որը մշակում է միաբանական ընդհանուր ժողովը և հաստատում վանահայր Ամենայն Հայոց Կաթողիկոսը:

§ 6. Համաձայն եկեղեցական կանոնների և պատմականօրէն սրբազործուած տուեալների Ս. Էջմիածնի միաբանութեան նպատակն է՝

ա. — Աւետարանը քարոզել.

բ. — Հոգեւոր դպրոցներ բանալ.

գ. — Հայադիտութիւնն ու հայ գեղարուեստը մշակել.



դ.-Աստուածահաճոյ հիմնարկու-
թիւններ պահել.

ե.-Եկեղեցու համար պատրաստի
վարիչներ մասակարարել հայ
ժողովրդի կրօնա-բարոյական
կեանքը բարձրացնելու:

§ 7. Ս. Էջմիածինն իւր նպատակ-
ների ծառայելու համար ունի եկամու-
տի որոշ աղբիւրներ:

§ 8. Միաբանական կեանքի հիմքը
հայ եկեղեցու սրբագործութեամբ ընտրա-
կան և ժողովական (կօլլեկտիւ) բնու-
թեանն է:

§ 9. Միաբանութիւնը վարում է հա-
մայնական կեանք:

Ծանօթ. Միաբանական կենցաղի
համար մշակուած է սուսանձին Հրահանգ:

Բ.

ՄԻԱԲԱՆՈՒԹԵԱՆ ԿԱԶՄԸ.

§ 10. Մայր Աթոռի միաբանութիւնը,
որի գլուխն է Ամենայն Հայոց Հայրա-
պետը, կազմուած է՝

ա.-Արքեպիսկոպոսներից և եպիսկո-
պոսներից.

բ.-Ծայրագոյն և մասնաւոր վարդա-
պետներից.

գ.-Աբեղաներից

դ.-Սարկաւազներից և դպիրներից:

§ 11. Միաբանութեան անդամ ընտ-
րուողը պէտք է լինի.

ա.-21 տարեկան.

բ.-Առնուազն միջնակարգ կրթու-
թեան տէր.

գ.-Ֆիզիքապէս առողջ և ազատ մար-
մնական ու հոգեկան արատներից:

§ 12 Միաբան լինել ցանկացողը խըն-
դիր է տալիս Վեհափառ Հայրապետի
անունով ներկայացնելով պատշաճ վկա-
յագրերը:

§ 13, Միաբան լինել ցանկացողը
նախապէս վանքում պէտք է ապրէ առ-
նուազն վեցամիս:

§ 14. Նոր միաբանին ընտրում է
ընդհանուր միաբանական ժողովը և
հաստատում է Վեհափառ Հայրապետը:

§ 15. Միաբանական ուխտին անհա-
ւատարիմ անդամը, ձեռք առնուած մի-
ջոցներով չուղղւելու դէպքում, արձակ-
ւում է:

§ 16. Միաբաններից որ և է մէկը
միաբանութիւնից հրաժարւելու դէպ-
քում պատճառաբանեալ հրաժարական
է ներկայացնում Վեհափառ Հայրապե-
տին, որն և ուղարկում է միաբանա-
կան ընդհանուր ժողովին:

Գ.

ՄԻԱԲԱՆՈՒԹԵԱՆ ՊԱՐՏԻՆ ՈՒ ԻՐԱՌՈՒՆՔԸ.

§ 17. Միաբանութեան իւրաքանչիւր
անդամ պարտաւոր է անխափան յա-
ճախել եկեղեցի և եկեղեցական պաշ-
տօնները կատարել:

§ 18. Միաբանութեան իւրաքանչիւր
անդամ վանքում պէտք է հաւասարա-
պէս ստանայ՝ բնակարան, սնունդ (ընդ-
հանուր սեղանատանը), վառելիք, լու-
սաւորութիւն, բժշկական խնամք և
ուսումնական—կրթական զարգացման
անհրաժեշտ բոլոր միջոցները:

53180-ա



§ 19. Իւրաքանչիւր միաբան ստանում է, համաձայն իւր աստիճանի և վարած պաշտօնների, ստիճանուած ունեւորք:

§ 20. Պաշտօնատար միաբանները պտանում են հնգամեայ յաւելումներ մինչև հինգ հնգամեակը:

§ 21. Իւրաքանչիւր միաբան կարող է կալուածք ունենալ եկամուտից ցմահ օգտուելու իրաւունքով: Կալուածքը պէտք է ձեռք բերէ Ս. Էջմիածնի անունով:

§ 22. Ս. Էջմիածնի վանքն է օրինական ժառանգը իւրաքանչիւր միաբանի շարժական և անշարժ ունեցուածքի:

§ 23. Միաբանութեան իւրաքանչիւր անդամ ուխտում է հայաստանեայց առաքելական ս. եկեղեցուն հաւատարմութիւն և Ամենայն Հայոց Կաթողիկոսին հնազանդութիւն:

§ 24. Իւրաքանչիւր միաբան պարտաւոր է կատարել իրեն յանձնուած աշխատանքը կամ պաշտօնը: Միաբանը կարող է առ առաւելն ունենալ երկու պաշտօն:

Ծաօք. Առաջարկուած պաշտօնից կամ աշխատանքից հրաժարուողը դրաւոր պատճառաբանութիւն է ներկայացնում Վեհափառ Հայրապետին, որը քննուում է միաբանական ընդհանուր ժողովում:

§ 25. Միաբանների եկեղեցական աստիճանի բարձրացման համար միաբանական ժողովն կամ իրաւունք ունի յատուկ միջնորդութիւն յանուցանելու Վեհափառ Հայրապետի առաջ:

§ 26. Մասնաւոր և ծայրագոյն վարդապետութեան աստիճան ստանալու համար հարկաւոր է գիտական աշխատանք ներկայացնել (աստուածաբանական, հայփղիտական, հայ եկեղեցու, պատմութեան, գրականութեան վերաբերեալ) և ստանալ Ուսումնական Խորհրդի հաւանութիւնը:

Դ.

ՄԻՐԱՆԱԿԱՆ ԸՆԴՀԱՆՈՒՐ ԺՈՂՈՎ

§ 27. Միաբանական ընդհանուր ժողովը կազմուում է վանքում եղող բոլոր միաբաններից:

§ 28. Տարեկան առնուազն միանգամ տեղի է ունենում դրսի և ներսի բոլոր միաբանների ընդհանուր ժողովը, որի զբաղման առարկաներն են.

ա. — Ազգային — եկեղեցական ժամանակակից հարցերի քննութիւնը.

բ. — Դրսի և ներսի միաբանների զործունէութեան փոխադարձ ծանօթութիւն.

գ. — Վանական հաստատութիւնների և մարմինների տարեկան զործունէութեան և հաշիւների քննութիւն.

դ. — Հաստատութիւն հաշիւների և նախահաշիւների.

ե. — Ընտրութիւն վանական հաստատութիւնների և մարմինների պաշտօնեաների:

§ 29. Միաբանական ընդհանուր ժողովի նախագահն է Վեհափառ Հայրապետը:

Ընդհանուր ժողովն ունի իւր դիւանը, որը կազմուած է երկու ատենապետներից և երկու ատենադպիրներից, որոնք ընտրուում են մէկ տարի ժամանակով:

§ 30. Բացի արտակարգ դեպքերից միաբանական ընդհանուր ժողովները գումարում են առնուազն ամիսը մի անգամ:

§ 31. Միաբանական ընդհանուր ժողովն օրինական է երբ ներկայ են միաբանների կիսից աւելին:

§ 32. Միաբանական ներսի անդամների ընդհանուր ժողովի քննութեան ենթակայ են.

ա. Միաբանական, եկեղեցական ազգային հարցեր.

բ. Վանական հիմնարկութիւնների և մարմինների կիսամեայ հաշիւներ:

§ 33. Ժողովի որոշումները վաւերական են, երբ ստանում են ձայների բացարձակ մեծամասնութիւնը և հաստատուում Վեհափառ Հայրապետից:

Ե.

ՄԱՅՐ ՏԱՃԱՐ

§ 34 Մայր տաճարի ներքին բարեկարգութեան անմիջական հսկողն է լուսարարապետը, որն ունի իւր աւագ օգնական վարդապետը և կրտսեր օգնական երկու սարկաւազներ:

§ 35 Լուսարարապետի անմիջական պարտականութիւններն են.

ա. հսկել եկեղեցում աստուածային պաշտաման և եկեղեցական կարգերի անթերի կատարելու վրայ.

բ. անկորուստ պահել եկեղեցական անօթները, զարդերը, զրբերը, զգեստները և կահ կարասիները:

§ 36 Լուսարարապետի կարգադրութիւններն եկեղեցու ներսում պարտադիր են.

ա. աստուածապաշտութեան ժամանակ բոլոր միաբանների համար.
բ. տաճարի բոլոր պաշտօնեաների համար:

§ 37 Մայր Տաճարն ունի իւր յատուկ ժամօրհնողը:

§ 38 Մայր Տաճարն ունի իւր տոանձին երգեցիկ խումբը և խմբապետը:

§ 39 Մայր Տաճարն ունի երկու կարգապահներ աստուածապաշտութեան ժամանակ ժողովրդի մէջ կարգ պահելու:

Զ.

ՎԵՀԱՐԱՆ

§ 40 Վեհարանի պաշտօնէութիւնը կազմուած է Դրան եպիսկոպոսներից, վարդապետներից և սարկաւազներից:

§ 41 Վեհարանի շէնքերի, զանազան մասերի տնտեսութիւնը, բարեգարգութիւնը, ներքին և արտաքին կարգապահութիւնը ենթարկւում են զրան աւագ եպիսկոպոսին:

§ 42 Վեհափառ Հայրապետի հանդիսաւոր, պաշտօնական ընդունելութիւնների հսկողութիւնը յանձնուած է Դրան-արարողապետ եպիսկոպոսին:

§ 43 Վեհարանի արտաքին պաշտօնէութիւնը և ծառայողները ենթարկւում են Դրան եպիսկոպոսին:

Է.

ՎԱՆԱԿԱՆ ՎԱՐՉԱԿԱՆ ՄԱՐՄԻՆՆԵՐ ԵՒ ՀԱՍՏԱՏՈՒԹԻՒՆՆԵՐ

(Ընդհանուր կանոններ)

§ 44 Ս. Էջմիածնի ներքին կեանքը կառավարելու համար կան վանական վարչական մարմիններ և հաստատութիւններ:

§ 45 Վանական հաստատութիւնները կառավարւում են կառավարիչներով և օգնականներով, իսկ վարչական մարմինները՝ խորհուրդներով:

§ 46 Բոլոր վարչութիւնների անդամները, կառավարիչները և օգնականները ընտրւում են ընդհանուր միաբանական ժողովում 3 տարի ժամանակով և առաջարկւում ի հաստատութիւն Վեհափառ Հայրապետի:

§ 47 Ընտրուած պաշտօնեաների հեռանալու դէպքում միաբանական ժողովը ընտրում է նորին:

§ 48 Վանական բոլոր վարչութիւններն ու մարմիններն իրենց ներքին գործառնութեան համար ունին յատուկ հրահանգներ, որոնք միաբանական ժողովում ընդունւելուց և Վեհափառ Հայրապետից հաստատուելուց յետոյ գործադրւում են:

§ 49 Բոլոր վարչութիւններն ու կառավարիչները պաշտօնի անցնելու ժամանակ ընդունւած ձևով ստացողական յանձնողական արձանագրութիւն են կազմում:

§ 50 Վանական վարչական բոլոր մարմիններն ու հաստատութիւններն ունին իրենց ղեւանները, կնիքները, վաւերացւած ժապէինեալ մատեանները և գոյքի ու կայքի մանրամասն ցուցակները:

§ 51 Վանական բոլոր հիմնարկութիւններն ու մարմիններն իրենց ներքին գործառնութեան մէջ անկախ են:

§ 52 Այն պաշտօնները, որոնց համար հնարաւոր չէ միաբաններից յատուկ անձն ընտրել, կարելի է վստահելի և կարող աշխարհականի յանձնել ընտրութեամբ:

Ը.

ՎԱՆԱԿԱՆ ՀԱՍՏԱՏՈՒԹԻՒՆՆԵՐ

I. ՄԱՏԵՆԱԳԱՐԱՆ

§ 53 Մատենադարանի նպատակն է ի մի հաւաքել ամենուր ցրւած հայերէն ձեռագրները և հայագիտութեան վերաբերեալ տպագիր հայ և օտարագիր լեզուներով բոլոր հրատարակութիւնները և հայ մամուլը:

§ 54 Մատենադարանի կառավարութիւնը յանձնւած է մատենադարանապետին և սրա օգնականին:

§ 55 Մատենադարանին կից գտնւում է միաբանութեան ընթերցարանը:

§ 56 Մատենադարանից կարելի է օգտուել համաձայն հրահանգի:

II. ԹԱՆԳԱՐԱՆ

§ 57 Թանգարանի նպատակն է ի մի ժողովել Մ. Աթոռ ազգային եկեղեցամշակոյթի ամենատեսակ հայ և օտարագիր արտագրութիւններն ու յուշարձանները այլ և հայ մշակոյթին վերաբերող օտարագիր արտագրութիւնները:

§ 58 Թանգարանն ունի հետևեալ մասերը.

ա. — Եկեղեցական Թանգարան.

բ. — Ազգային հնութիւնների Թանգարան, ազգագրական բաժնով.

գ. — Պատկերասրահ.

դ. — Զւարթնոցի Թանգարան:

§ 59 Եկեղեցական Թանգարանը գրտւում է Վեհափառ Հայրապետի անմիջական հսկողութեան տակ:

§ 60 Թանգարանն ունի իւր յատուկ թերթը:

§ 61 Թանգարանից կարելի է օգտ-
ւել համաձայն յատուկ հրահանգի:

III. ՏՊԱԸԱՆ

§ 62 Տպարանի նպատակն է ծառայել
ազգային լուսաւորութեան գործին,
հրատարակելով կրօնա-բարոյական, հա-
յագիտական, գրական-գեղարուեստա-
աշխատանքներ:

Սոյն նպատակին ծառայելու համար
տպարանը պէտք է արդիւնաբերական
կան հիմքերով կառավարուի:

§ 63 Տպարանն ունի իւր կառավա-
րիչը և մասնագէտ օգնականը:

§ 64 Տպարանի կառավարիչը հսկում
է տպարանի բոլոր մասերի՝ տպարանի,
ձուլարանի, կազմատան, գրատան և
թղթատան վրայ:

§ 65 Տպարանում հրատարակու-
մ են Մ. Աթոռի պաշտօնական և գիտա-
կան թերթերը:

IV. ՀԻՐԱՏՈՒՆ

§ 66 Հիւրատունն ունի հետևեալ
բաժինները.

ա. — Դրսից եկած միաբանների.

բ. — Ուխտաւորների.

գ. — Պաշտօնական այցելուների:

§ 67 Հիւրատան կառավարիչն է
հիւրընկալը:

§ 68 Հիւրատան ծախքերը հոգում
է վանական կառավարութիւնը:

V. ՀԻՒԱՆԿԱՆՈՅ-ԾԵՐԱՆՈՅ

§ 69 Մ. Աթոռի ծեր և հիւանդ միա-
բանների համար կայ հիւանդանոց-ծե-
րանոց:

§ 70 Հիւանդանոցն ունի իւր յատուկ
բժիշկը, գեղատունը, գեղազործը և
հիւանդապահ քոյրերը:

§ Ծերանոցում խնամուում են միա-
բանութեան ծերացած և խնամքի կա-
րօտ անդամները:

§ Ծերանոցն ունի իւր յատուկ կա-
ռավարիչը և ծառայողները:

VI. ՍԵՂԱՆԱՏՈՒՆ

§ 73 Միաբանութիւնն ունի իւր եղ-
բայրական սեղանատունը:

§ 74 Սեղանատունն ունի իւր յա-
տուկ կառավարիչը:

§ 75 Սեղանատան կառավարչի հըս-
կողութեան տակ են գտնուում՝ խոհա-
նոցը և մթերանոցը:

VII. ՀԱՆԴԵՐՁԱՏՈՒՆ

§ 76 Միաբանութեան սենեակների
կան կարասիքի, արգ ու զարդի համար
կայ հանդերձատուն:

§ 77 Հանդերձատունն ունի իւր կա-
ռավարիչը, որը հոգում է միաբանների
սենեակների ներքին կահաւորութեան
պահպանները:

Թ.

ՎԱՆԱԿԱՆ ՎԱՐՁԱԿԱՆ ՄԱՐՄԻՆՆԵՐ

I. ՎԱՆԱԿԱՆ ԽՈՐՀՈՒՐԴ

§ 78 Վանական Խորհուրդը կազմւած
է վանական մարմինների կառավարիչ-
ներից և վարչութիւնների նախագահ-
ներից:

§ 79 Խորհուրդն ընտրում է իւր մի-
ջից ատենապետ և քարտուղար:

§ 80 Խորհուրդը քննում և ներկա-
յացնում է միաբանական ընդհ. ժողո-
վին.

ա. — Վանական վարչական մարմին-
ների և հաստատութիւնների առա-
ջարկները և գեղուցումները:

բ. Տեղեկագրերը, հաշիւները և նախահաշիւները.

դ. — ամսական ստուգութիւնները.

դ. — հսկում է վանքի բարեգարդութեան և միաբանութեան բարեկեցութեան վրայ.

ե. — գործադրում է միաբանական ընդհանուր ժողովների կայացրած ու Վեհափառ Հայրապետից հաստատած որոշումները:

զ. — մշակում է հրահանգներ վանական վարչական հաստատութիւնների և մարմինների համար և ներկայացնում միաբանական ընդհանուր ժողովին.

է. — լուծում է ընթացիկ հարցեր:

§ 81 Վանական խորհրդի անդամներից իւրաքանչիւրը իւր տեսչութեան վերաբերեալ խնդիրների համար անհատապէս, իսկ վանական խորհրդի գործունէութեան համար հաւաքաբար պատասխանատու են միաբանական ժողովի առաջ:

II. ՈՒՍՈՒՄՆԱԿԱՆ ԽՈՐՀՈՒՐԴ

§ 82 Ուսումնական խորհուրդը կազմուած է երեք անդամից:

§ 83 Խորհրդի գործունէութեան շըրջանն է.

ա. — քննել մասնաւոր և ծայրագոյն վարդապետութեան աստիճան ստանալու համար այն բոլոր զիտական շարադրութիւնները, որոնք ստացւում են Վեհափառ Հայրապետի անունով և ուղարկւում իրեն քննելու: Քննութեան արդիւնքը ուղարկւում է ի հաստատութիւն Վեհափառ Հայրապետին:

բ. — նոյն կարգով քննում է այն շարադրութիւնները, որ ներկայացնում են միաբանները հրատրաստելու Մ. Աթոռի հաշուով

դ. — այն կրօնական-բարոյական, եկեղեցական զրուածքները, որոնք յանձնարարւում են Վեհ. Հայրապետից:

դ. — վարում է «Արարատ»-ի խմբագրութիւնը:

§ 84 Խորհուրդը մրցանակներ է նշանակում կրօնական եկեղեցական-հայագիտական դանազան աշխատանքների համար:

§ 85 Խորհուրդը կարող է հարկաւոր դէպքում գրուածքների քննութեան համար դիմել աշխարհական ձեռնահաս և կարող անձանց:

III ՀԱՅՐԵՆԻ ՀՆՈՒԹԻՒՆՆԵՐԸ ՊԱՇՏՊԱՆՈՂ ԵՒ ՀՈՎԱՆԱՌՈՐՈՂ ԽՈՐՀՈՒՐԴ

§ 86. Խորհրդի նպատակն է հսկել և ի մի հաւաքել հայ եեանքի անցեալ մշակոյթի յուշարձաններն ու մնացորդները:

§ 87. Խորհուրդի անդամներն են՝ Մատենադարանապետը, Թանգարանապետը, Ուսումնական խորհուրդի նախագահը և միաբանութիւնից ընտրւած 2 անդամ:

§ 88. Խորհուրդը միջոցներ է ձեռք առնում աւերակները վերականգնելու, մօզեկներ, պատկերների այլբոմներ, մանրամասն տեղեկագրութիւններ յուշարձաններ հաւաքելու և հրատարակելու:

§ 89. Խորհուրդն ունի իւր մասնաճիւղերը կարեւոր կենտրոնավայրերում:

§ 90. Խորհրդի ձեռք բերած ժողովածուները տեղաւորում են վանական համապատասխան հիմնարկութիւններում:

IV ՔԱՐՈՉՉԱԿԱՆ ՄԱՐՄԻՆ

§ 91. Մ. Աթոռն ունի իւր յատուկ քարոզչական մարմինը, որի նպատակն է յատուկ քարոզիչներ պատրաստել:

§ 92. Քարոզչական մարմինը բաղկացած է կարող, գիտական աստիճան ունեցող երեք միաբաններից:

§ 93. Քարոզչական մարմինն ունի իւր յատուկ դպրոցը քարոզիչներ պատրաստելու:

§ 94. Քարոզչական մարմինը կազմակերպում է դասախօսութիւններ, կարճատե դասընթացքներ իւր նպատակի համար:

§ 95. Քարոզչական մարմինը կարևոր կենտրոններում ունի իւր ճիւղերը:

§ 96. Քարոզչական մարմինն ունի իւր յատուկ թերթը:

§ 97. Քարոզչական մարմինը ունի իւր նպատակների համար յատուկ դրամագլուխ:

V ՏՆՏԵՍԱԿԱՆ ԽՈՐՀՈՒՐԴ

§ 98. Տնտեսական խորհուրդի գործունէութեան շրջանն է՝ հսկել Մ. Աթոռի դրսի և ներսի բոլոր կալուածների և եկամուտների վրայ:

§ 99. Տնտեսական խորհուրդը կազմուած է վանական խորհրդի և կառավարութեան նախագահներից, ճեմարանի տեսչից կամ օգնականից և միաբանութիւնից ընտրուած երկու անդամներից, որոնցից մէկը ընտրուած է յատկապէս գանձապահի պաշտօնի համար:

§ 100. Տնտեսական խորհրդին են ենթարկուած ըստ տնտեսականին վանքի բոլոր հիմնարկութիւնները և մարմինները:

§ 101. Խորհուրդը կազմում է վանքի տարեկան ել և մուտքը, մատակարարում է համաձայն հաստատուած նախահաշիւների հիմնարկութիւններին և մարմիններին գումարներ. ստանում է սրանց փաստաթղթերը, հաշիւները, մատեանները:

§ 102. Խորհուրդը իւրաքանչիւր տարի հրատարակում է վանական հիմնարկութիւնների և մարմինների հաշիւները և նախահաշիւները:

§ 103. Խորհուրդը պէտք է ունենայ վանքի բոլոր կալուածների վաւերացրած կալուածագրերը և յատակագծերը:

§ 104. Խորհրդի որոշումների գործադիր մարմինն է վանական կառավարութիւնը:

VI ՎԱՆԱԿԱՆ ԿԱՌԱՎԱՐՈՒԹԻՒՆ

§ 105. Վանական կառավարութեան անմիջական հսկողութեան ենթակայ են՝ սեղանատունը, ագարակը, գինետունը, հանգերձատունը, շտեմարանը, լիճը, անտառը, այգիները, արտերը, արօտատեղիները:

§ 106. Վանական կառավարութիւնը հսկում է միաբանական շնակարանների, միւս բոլոր հիմնարկութիւնների, գերեզմանատան բարեգարգութեան, վերանորոգութեան վրայ:

§ 107. Վանական կառավարութիւնը կազմուած է երեք անդամից:

VII ՎԵՐՍՏՈՒԳԻՉ ՄԱՐՄԻՆ

§ 108. Վանական բոլոր հաստատութիւնների և մարմինների գրամական հաշիւները քննում է Վերստուգիչ Մարմինը:

§ 109. Վերստուգիչ մարմինը բաղկացած է երեք անդամից:

§ 110. Վերստուգիչ մարմինը իւր գիտողութիւնները, նկատողութիւնները յանձնում է Վանական Խորհուրդին:

§ 111. Վերստուգիչ մարմինը բացի կանոնադրութեամբ որոշած ստուգողութիւնները կատարելուց կարող է արտակարգ վերստուգողութիւններ կատարել:

§ 112. Արտակարգ վերստուգողութիւններ կատարւում են, երբ որոշում է Վերստուգիչ Մարմինը, երբ խնդիր է յարուցանում վանական որևէ վարչական մարմին կամ խորհուրդ և կամ պահանջում է ներսի միաբանութեան կիսից աւելին:


Ժ.

ՄԻԱՐԱՆԱԿԱՆ ԿԱՆՈՆԱԴՐՈՒԹԵԱՆ
ՎԵՐԱՔՆՆՈՒԹԻՒՆ

§ 113. Վանական միաբանական կանոնադրութեան մէջ կարող է փոփոխութիւն լինել Վեհափառ Հայրապետի կարգադրութեամբ, միաբանական Ժողովի $\frac{2}{5}$ -ի ցանկութեամբ:

§ 114. Մինչև նոր կանոնադրութեան հաստուելը գործադրւում է հինը:





4020

ՀՀ Ազգային գրադարան



NL0030975

